



Broj: 02-50-1-16-44/10

Sarajevo: 19. 4. 2010.

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

PREDMET: Obavještenje s nastavka 44. sjednice Doma naroda Parlamentarne skupštine
BiH

Dom naroda Parlamentarne skupštine BiH je, na nastavku 44. sjednici, održanom 19. 4. 2010., razmatrao sljedeće tačke dnevnog reda:

1. Prijedlog zakona o promociji malih i srednjih preduzeća i preduzetništva u Bosni i Hercegovini (prvo čitanje), predlagač: Vijeće ministara BiH;
2. Prijedlog zakona o primjeni rezultata analize dezoksiribonukleinske kiseline u sudskim postupcima (prvo čitanje), predlagač: Vijeće ministara BiH;
3. Prijedlog zakona o izmjenama i dopunama Zakona o radu u institucijama Bosne i Hercegovine (prvo čitanje), predlagač: Vijeće ministara BiH;
4. Prijedlog zakona o izmjenama i dopunama Zakona o zaštiti tajnih podataka (prvo čitanje), predlagač: Vijeće ministara BiH;
5. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma (akt Ministarstva za ljudska prava i izbjeglice BiH, broj 01 – 37 – 310 /10, od 15. 2. 2010.);
6. Prijedlog strategije razvoja sporta u Bosni i Hercegovini, predlagač: Vijeće ministara BiH;
7. Rasprava o Izvještaju o aktivnostima Vijeća Evrope u 2009. godine, prijedlog za razmatranje: Delegacija PSBiH u Parlamentarnoj skupštini Vijeća Evrope;
8. Izvještaj o aktivnostima na projektu „Autoput na Koridoru Vc“ i Plan narednih aktivnosti – (materijal Ministarstva komunikacija i prometa BiH);
9. Izvještaj o radu parlamentarnog vojnog povjerenika za period oktobar – decembar 2009. godine (materijal parlamentarnog vojnog povjerenika);

10. Izvještaj o radu Odbora za žalbe građana na rad policijskih službenika u policijskim tijelima BiH za period septembar – decembar 2009. godine (materijal Odbora za žalbe građana, broj: 03-50-1-60-6-2/10, od 27.1.2010.);
11. Prijedlog mjera za poboljšavanje uslova poslovanja u poljoprivrednoj proizvodnji i prehrambenoj industriji Bosne i Hercegovine (materijal Vijeća ministara BiH, akt broj: 05 – 28 – 21 /10, od 8. 1. 2010.);

Ad. 1.

Dom naroda **usvojio je** Prijedlog zakona o promociji malih i srednjih preduzeća i preduzetništva u Bosni i Hercegovini **u prvom čitanju**, sa sljedećim zaključkom:

1. Dom naroda Parlamentarne skupštine BiH obavezuje Zajedničku komisiju za ekonomske reforme i razvoj PSBiH da do kraja aprila 2010.godine provede javnu raspravu o Prijedlogu zakona o promociji malih i srednjih preduzeća i preduzetništva u Bosni i Hercegovini.
2. Dom naroda Parlamentarne skupštine BiH produžava amandmansku fazu za Prijedlog zakona o promociji malih i srednjih preduzeća i preduzetništva u Bosni i Hercegovini do 48 sati prije razmatranja Prijedloga zakona na sjednici nadležne komisije.

Ad 2., 3. i 4.

Dom naroda **usvojio je u prvom čitanju:**

- Prijedlog zakona o primjeni rezultata analize dezoksiribonukleinske kiseline u sudskim postupcima;
- Prijedlog zakona o izmjenama i dopunama Zakona o radu u institucijama Bosne i Hercegovine;
- Prijedlog zakona o izmjenama i dopunama Zakona o zaštiti tajnih podataka.

Ad. 5.

Dom naroda **usvojio je** Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma u prvom čitanju.

Ad. 6.

Prilikom razmatranja Prijedloga strategije razvoja sporta u Bosni i Hercegovini, Dom naroda **usvojio je** sljedeći zaključak:

Dom naroda Parlamentarne skupštine BiH zadužuje Ustavnu pravnu komisiju Doma naroda da, zajedno sa Ustavnom pravnom komisijom Predstavničkog doma, organizira proširenu javnu raspravu o Prijedlogu strategije razvoja sporta u BiH, te da Domu dostavi izvještaj radi konačnog usvajanja Strategija razvoja sporta u BiH.

Ad. 7.

Dom naroda **primio je k znanju** Izvještaj o aktivnostima Vijeća Evrope u 2009. godine sa sljedećim zaključcima:

1. *Dom naroda PSBiH prima k znanju Izvještaj o aktivnostima Vijeća Evrope u 2009. godini s priloženim dokumentima,*
2. *Dom naroda PSBiH preporučuje da se Izvještaj o funkcioniranju demokratskih institucija BiH te Rezolucija 1701 (2010) i Preporuka 1894 (2010) prosljede nižim nivoima vlasti na upoznavanje i prepoznavanje svog dijela obaveza iz ovih dokumenata,*
3. *Dom naroda PSBiH urgira da se ubrza ratifikacija Povelje o regionalnim i manjinskim jezicima, što je jedna od preostalih postprijemnih obaveza,*
4. *Dom naroda PSBiH poziva Predsjedništvo BiH da ubrza proces imenovanja predstavnika BiH u međunarodnim tijelima, i to: Evropskom komitetu za sprečavanje mučenja i nečovječnog ili ponižavajućeg postupanja ili kažnjavanja, Savjetodavnom komitetu Okvirne konvencije za zaštitu nacionalnih manjina, Evropskoj komisiji protiv rasizma i netolerancije i Venecijanskoj komisiji.*

Ad. 8

Dom naroda odlučio je Izvještaj o aktivnostima na projektu „Autoput na Koridoru Vc“ i Plan narednih aktivnosti, zajedno sa zaključcima Ilije Filipovića i inicijativom Bože Ljubića, dostaviti nadležnoj komisiji **na ponovno razmatranje i dostavljanje mišljenja.**

Ad. 9.

Dom naroda usvojio je Izvještaj o radu parlamentarnog vojnog povjerenika za period oktobar – decembar 2009. godine.

Ad. 10.

Dom naroda usvojio je Izvještaj o radu Odbora za žalbe građana na rad policijskih službenika u policijskim tijelima BiH za period septembar – decembar 2009. godine.

Ad. 11.

Dom naroda **primio je k znanju** Prijedlog mjera za poboljšavanje uslova poslovanja u poljoprivrednoj proizvodnji i prehrambenoj industriji Bosne i Hercegovine, te usvojio sljedeći zaključak:

„Obavezuje se Ministarstvo vanjske trgovine i ekonomskih odnosa BiH da, dva puta godišnje, dostavlja Parlamentarnoj skupštini BiH informaciju o odnosima bilansa potreba i stanja koji uključuje vanjskotrgovinske bilanse za proizvode iz tač. 1. i 2. Prijedloga mjera za poboljšavanje uslova poslovanja u poljoprivrednoj i prehrambenoj industriji Bosne i Hercegovine. Rokove iz prijedloga mjera treba uskladiti s vremenom prihvatanja mišljenja Komisije.“

PREDSJEDAVAJUĆI

DOMA NARODA

Sulejman Tihć